



AKCIJA „ZADRUGA“ Pripadnici SIPA-e nastavili pretrese

Priveden direktor 'ASA osiguranja' Feđa Morankić

Privedena i direktorica „ASA servisa“ Alma Moranjić • Obavljeni pretresi na području Viteza, Visokog, Goražda i Sarajeva

A. Ka.

U nastavku akcije kodnog naziva „Zadruga“ radi razbijanja organizirane kriminalne grupe koja je učestvovala u zloupotrebi službenog položaja i pranja novca, pripadnici **Državne agencije za istrage i zaštitu (SIPA)** jučer su po nalogu Tužilaštva Kantona Sarajeva privela direktora „ASA osiguranja“ Feđu Morankića i direktoricu „ASA servisa“ Almu Moranjić.

Pranje novca

Nezvanično saznajemo da je povod privođenja sumnja da je „ASA osigura-

nje“ mjesečno uplaćivalo po 120.000 KM i pralo novac, pa su onda gotovinom plaćali agente posrednike u osiguranju, izbjegavajući tako plaćanje državi poreza na ugovore o djelu ili poreza na zaposlene ako bi ih prijavili kao svojeradnike.

Pripadnici **SIPA-e** jučer su pretresli četiri lokacije na području Viteza, Visokog, Goražda i Sarajeva. Tom prilikom pretresene su tri pravne osobe radi pronalaska materijalnih tragova i dokaza koji će biti korišteni u krivičnom postupku.

Zapošljavali studente

- Nakon što na spomenutim lokacijama budu okončane operativne mjere i radnje, predviđeno je da se u prostorijama **SIPA-e**, u svojstvu osumnjičenih, izvrši kriminalistička obrada odgovornih osoba - saopćeno je jučer iz **SIPA-e**.

U dosadašnjem toku akcije „Zadruga“, koja je pokrenuta 24. januara, privedeno je 30 osoba te je pretreseno na desetine lokacija. Za desetero je određen jednomjesečni pritvor. Riječ je o Enisi i Sanelu Đaliću, Huseinu Borišiću,

Adnanu Karahasanu, Nihadu Biliću, Salihu Dervišević, Hadisu Kusturi, Aliji Kadriću i Ramizu Durakoviću te o Gabrijelu Deliću.

Tužilaštvo je kao vođe označilo supružnike Enisi i Sanelu Đalića, koji se terete da su od 2010. do 2018. godine organizirali kriminalnu grupu koja je sklapanjem fiktivnih ugovora o zaposlenju redovnih studenata i daka oprala 51.765.502 marke, čime je budžet Federacije BiH oštećen za više od 30 miliona KM.



Sanel Đalić sa suprugom Enisom organizirao kriminalnu grupu



Morankić: Priveden nakon pretresa

Osumnjičen i Bakirov zet

Na listi osumnjičenih je i Mirsad Berberović, zet Bakira Izetbegovića i vlasnik firme „Bihexo“. On je

osumnjičen da je sklapanjem fiktivnih ugovora o zapošljavanju vršio utaju poreza i prao novac.